



რესპუბლიკა

შაბათი-კვირა, 10-11 აგვისტო. 2019 წ. №161 (8827)

ელ.ფოსტა: sakresp@mail.ru და sakresp@top.ge

ფასი 60 თათრი

ვის ბაასამართლებს ჰააგის ტრიბუნალი?



ჰააგში, სისხლის სამართლის საერთა-
შორისო სასამართლო (ICC) უკვე მეოთხე
წელია, ცდილობს 2008 წლის აგვისტოს ომ-
თან დაკავშირებით კონკრეტული დამნაშა-
ვეების გამოვლენას. გამოძიება ეძებს რუსი,
ქართველი თუ ოსი ეროვნების კონკრე-
ტულ პირებს, რომლებმაც ომისა და კაცობ-
რიობის წინააღმდეგ დანაშაულები ჩაიდი-
ნეს. ეს პროცესი საქართველოში გაჩაღებუ-
ლი მწვავე პოლიტიკური დაპირისპირების

ფონზე მიმდინარეობს. „ქართული ოცნე-
ბის“ ხელისუფლება 2008 წლის მოვლენებ-
ში პერმანენტულად ადანაშაულებს „ნაცი-
ონალურ მოძრაობას“.

ახდენს თუ არა ზეგავლენას პოლიტი-
კური ბრძოლები ჰააგის ტრიბუნალში
მიმდინარე გამოძიებაზე, რა ეტაპზეა
პროცესი და ვინ შეიძლება დაისაჯოს?

იხ. 4 გვ.

„შეგვეზვას ოკუპანტი რუსეთი!“

5

ოქრუაშვილს ყალბა- ბანდოვამ არ გაუმართლა

2



ნიკა
გვარამია

2



„ყველანი ცინეზი!“ და ვინ არის უალტერნატივო ალტერნატივა?..

3

პროკურატურამ ბრალი წაუყენა



დავით წარედიანი და ჟარბონი

6

7

კვირის სკიობი

ელენე თარხნიშვილი - „ბულაშვილი ბულბული“



შავი ზღვის უსაფრთხოება ევროატლანტიკური სივრხის უსაფრთხოება!

ორჯოლოს პოლიგონზე მრავალეროვნული საერთაშორისო სწავლება Agile Spirit 2019 დასრულდა ცერემონია გამართა, რომელსაც საქართველოს პრემიერ-მინისტრი მამუკა ბახტაძე, პრეზიდენტი სალომე ზურაბიშვილი, პარლამენტის თავმჯდომარე არჩილ თალაკვაძე, თავდაცვის მინისტრი ლევან იზორია და დიპლომატიური კორპუსის წარმომადგენლები დაესწრნენ.

მთავრობის მეთაურმა განსაკუთრებული მადლობა გადაუხადა დასავლელ პარტნიორებს, რომ ბოლო პერიოდის განმავლობაში ისინი შავი ზღვის რეგიონის უსაფრთხოებას მნიშვნელოვან ყურადღებას უთმობენ.

„პირველ რიგში, მინდა, მადლობა გადავუხადო ჩვენს ამერიკელ პარტნიორებს იმ მტკიცე და თანამიმდევრული მხარდაჭერისათვის, რომელსაც ისინი უწევენ ჩვენს ქვეყანას დემოკრატიული განვითარებისა და ევროატლანტიკური ინტეგრაციის გზაზე.“

ასევე მინდა, განსაკუთრებული მადლობა გადავუხადო სწავლება „მტკიცე სული/Agile Spirit 2019“-ის ორგანიზატორებს – საქართველოს თავდაცვის ძალების დასავლეთის სარდლობასა და აშშ-ის ევროპის სარდლობას ასეთი მნიშვნელოვანი წვლილის ორგანიზებისთვის. საქართველოსთვის ძალიან საპატიოა სწავლების იმ ციკლში მონაწილეობა, რომელსაც აშშ-ის ევროპის სარდლობა აწარმოებს. ეს ჩვენთვის კიდევ ერთი ნათელი დადასტურებაა იმისა, რომ ჩვენი სტრატეგიული პარტნიორები მტკიცე და უმნიშვნელოვანეს მხარდაჭერას უცხადებენ საქართველოს, რასაც ჩვენ დიდად ვაფასებთ. ჩვენმა ქვეყანამ უკვე მეცხრედ უმასპინძლა ერთ-ერთ ყველაზე მასშტაბურ მრავალეროვნულ სამხედრო სწავლებას, რომელიც ამჯერად „მტკიცე სული 2019“-ის სახელით მოეწყო. ასეთი სწავლებები ძალიან მნიშვნელოვანია, რადგან სულ უფრო გვაახლოებს ნატოსთან და ზრდის ალიანსთან ჩვენი ქვეყნის თავსებადობის დონეს. მნიშვნელოვანია, რომ წლებზე დასრულებულ სწავლებაში ნატოს წევრი და პარტნიორი 14 ქვეყნის 3000-ზე მეტმა

სამხედრო მხარე მონაწილეობა, და თითოეული ეს ქვეყანა საქართველოს სუვერენიტეტისა და ტერიტორიული მთლიანობის უპირობო ქომაგია, ისევე როგორც ჩვენს რეგიონში მშვიდობისა და სტაბილურობის მხარდაჭერი“, – განაცხადა მამუკა ბახტაძემ.

მთავრობის მეთაურის თქმით, ქართველმა ჯარისკაცებმა შესაბამისი პარტნიორობა გაუწიეს თავიანთ კოლეგებს. მიიღეს სათანადო გამოცდილება და მზად არიან მრავალეროვნულ გარემოში ოპერატიული შესაძლებლობების გამოვლენისთვის.

„წელი გავიდა უმძიმესი ტრაგედიიდან, როდესაც რუსეთის ფედერაციამ მოახდინა საქართველოს ორი ისტორიული რეგიონის ოკუპაცია. ეს არის ყველაზე მტკიცეული გამოწვევა ჩვე-



ნი ქვეყნისთვის. მეგობრებო, ჩვენი პასუხი ამ ყველაზე მტკიცეული გამოწვევაზე არის მხოლოდ მშვიდობა და საქართველოს განვითარება. ქართველმა ერმა გააკეთა თავისი ცივილიზაციური არჩევანი, რომელიც გულისხმობს საქართველოს სრულ ინტეგრაციას ევროპულ და ევროატლანტიკურ სტრუქტურებში და ეს არის საქართველოს სუვერენული, ჩვენი ერის ცივილიზაციური არჩევანი და ის არ არის მიმართული არავის წინააღმდეგ. ამ სწავლებამ ხელი შეუწყო საქართველოს ამერიკის შეერთებულ შტატებსა და პარტნიორ ქვეყნებს შორის ურთიერთთავსებადობის კიდევ უფრო გაძლიერებას და შავი ზღვის რეგიონში სტაბილური და უსაფრთხო გარემოს შენარჩუნებას“, – განაცხადა მამუკა ბახტაძემ.

ოქრუაშვილს ყალბიანობაზე არ გაუბარტლა



2010 წელს გერმანიაში გაფორმებული დოკუმენტი და ქიბარ ხალვაშის სადავო ხელმოწერა – ექსპერტიზის ბიუროს დასკვნა ცნობილია. დასკვნაში ნათქვამია, რომ გამოსაკვლევი ხელმოწერა შეთანხმებაზე შესრულებული არაა ქიბარ ხალვაშის, არამედ სხვა პირის მიერ. საქმე ეხება დოკუმენტს, რომლის საფუძველზეც ირაკლი ოქრუაშვილი „რუსთავი 2“-ის წილებზე დავობს.

მუშებისაგან განსხვავებით უკუტყვი-ვით-სწორსაზოვანი.

– მოძრაობის ფორმა და მიმართულება ასო „ქ“-ს პირველი ელემენტის დამატარებელი ნაწილის შესრულებისას გამოსაკვლევი ნიმუშებისაგან განსხვავებით კუთხოვანი მიმართული მარცხნივ, – ნათქვამია დოკუმენტში.



„გამოსაკვლევი ხელმოწერის გამოწვევის ხარისხი საშუალოზე მაღალია. ასოების ზომა დიდი, გაქანება საშუალო და დიდი, უმნიშვნელოდ მარჯვნივ დახრილი, დაწოლის ძალა საშუალო დიფერენცირებული, ხელმოწერის ფუძის საზის ფორმა სწორხაზოვანი, მიმართულება აღმავალი.“

შეგახსენებთ, „გამარჯვებული საქართველოს“ ლიდერის ირაკლი ოქრუაშვილის მტკიცებით, მასა და ქიბარ ხალვაშს შორის ბერლინში 2010 წელს გაფორმდა შეთანხმება, რომლის მიხედვითაც, ხალვაში „რუსთავი-2“-ის მხოლოდ ფორმალური მმართველი უნდა ყოფილიყო და შეთანხმებაზე ხელმოწერა ექსპერტიზის სამი დასკვნითა და დასტურებული. ამასთან, ქიბარ ხალვაშის ადვოკატი და „რუსთავი-2“-ის ახალი გენერალური დირექტორი პაატა სალია ამტკიცებდა, რომ დოკუმენტი, რაზეც ირაკლი ოქრუაშვილი და მისი ინტერესების დამცველები საუბრობენ, გაყალბებულია.

აღნიშნული ხელმოწერის გამოკვლევის და შედარების ქიბარ ხალვაშის ხელმოწერებთან დადგინდა განსხვავებები ზომასა და გაქანებაში და შემდეგი ვარიანტის კერძო ნიშნებში:

შუბი ნაციონალი ოქრუაშვილი, რომორც ჩანს, ჩვეულებას არ ღალატობს და ყალბიანობის ბზას ადგას.

ასო „შ“-ს შესრულებისას გამოსაკვლევი ნიმუშებისაგან განსხვავებით გამარტოებულია მესამე ელემენტი.

– მოძრაობის ფორმა ასო „ქ“-ს მეორე ელემენტის საწყისი ნაწილის შესრულებისას გამოსაკვლევი ნი-

გვარამია თავს იბარტლავს

ასეთი თეორი დაფუძნებით კერვაც უკვე სირცხვილია უბრალოდ, – ასე გამოეხატა „რუსთავი-2“-ის ყოფილი გენერალური დირექტორი ნიკა გვარამია პროკურატურის მიერ ბრალის წაყენების საკითხს.

„ჯერ ერთი, ბრალს თუ მიყენებ ამ გარემოებაზე, დაკითხვაზე ხომ უნდა მკითხო მაინც. არ უკითხავთ საერთოდ, თორემ ავუსხნიდი, მაგრამ ახსნაც არ სჭირდება. „ინტერმედიიდან“ ყველა დოკუმენტი ამოღებული და ამ დოკუმენტების მიხედვით, სესხის ხელშეკრულება აქვს „ინტერმედიას“ ჩემთან, რადგან ვერ ვიხსენებ ხელფასებს და ეს მთელმა „რუსთავი-2“-მა იცის. მე გავყვიდე სახლი, მივეცი მთა ფული და დამიბრუნეს ბინებით. ასეთი თეორი დაფუძნებით კერვაც არ შეიძლება. გაბრდებით, პასუხი იქნება ადეკვატური“, – განაცხადა ნიკა გვარამიამ.



ნიკა გვარამიას პროკურატურამ ბრალს ნაუყენა

„რუსთავი-2“-ის ყოფილი გენერალური დირექტორის ნიკა გვარამიას პროკურატურამ ბრალის წაუყენა, – ამის შესახებ პროკურატურამ ამირან გიუაშვილიმა გუშინ გამართულ ბრიფინგზე განაცხადა. „როგორც საზოგადოებისთვის ცნობილია, 2019 წლის 20 ივლისს საქართველოს გენერალურმა პროკურატურამ დაიწყო გამოძიება „სამაუწყებლო კომპანია რუსთავი 2“-ის კანონიერი ინტერესის საწინააღმდეგოდ უფლ-

ბამოსილების ბოროტად გამოყენების, დიდი ოდენობით თანხების სამსახურებრივი მდგომარეობის გამოყენებით მითვისების და ქონების მოჩვენებითი ან/და თვალთმაქცური გარიგების გზით გადასახდის ფაქტზე“, – აღნიშნა პროკურატურამ. „საქმეზე გამოძიების დაწყებას საფუძველად დაედო, „სამაუწყებლო კომპანია რუსთავის 2“-ის 9%-იანი წილის ყოფილი მფლობელის ნინო ნიჟარაძის ადვოკატის განცხადება ტელე-

კომპანიის ხელმძღვანელების მხრიდან შესაძლო დანაშაულის ჩადენის თაობაზე. მათივე ინფორმაციით, ასევე, სისხლის სამართლის საქმეს დაერთო „რუსთავი-2“-ის ამჟამინდელი გენერალური დირექტორის პაატა სალიას განცხადება შესაძლო დანაშაულის ჩადენის თაობაზე, რამაც სავარაუდოდ დიდი ოდენობით ზიანი მიაყენა სამაუწყებლო კომპანიას.

მაღალი საზოგადოებრივი ინტერესის გათვალისწინებით გესურს, გაცნობოთ, რომ სისხლის სამართლის საქმეზე მიმდინარე გამოძიების ფარგლებში მოპოვებული მტკიცებულებების საფუძველზე მიღებულია შემაჯა-



მებელი გადაწყვეტილება. გამოტანილია დადგენილება ნიკა გვარამიას ბრალდების შესახებ, საქართველოს სსკ-ის 220-ე მუხლით გათვალისწინებული

დანაშაულის ჩადენისათვის, რაც გულისხმობს საწარმოში ხელმძღვანელობითი და წარმომადგენლობითი უფლებამოსილების გამოყენებას ამ ორგანიზაციის კა-



„ყველანი სიხეში!“ და ვინ არის უაღბურნატივო აღბურნატივა?..

(მესამე გვერდიდან)

შემდეგ, დავით გარეჯის რუსეთთან ურთიერთობების, სამხედრო მიუმხრობლობის და სხვა, საზოგადოებისთვის მნიშვნელოვანი, მგრძობიარე თემების ირგვლივ, ორგანიზაციების გადაცემის სპორტის სასახლე, ბათუმის ერას მოედანი, პატრიოტებმა შეძლეს 10 ათასი კაცის მობილიზება უშუალოდ დავით გარეჯის წმინდა ლავრასთან და ა.შ. არის კი ქართულ პოლიტიკურ სპექტრში ისეთი პარტია (ქოცებისა თუ ნაცების სახითაც), რომელიც ხალხის ამ რაოდენობის გამოყვანას შეძლებს?

ეს რაც შეეხება არითმეტიკას და ახლა ზემოთ ნახსენები სუბიექტურობისა თუ ბრალდებების შესახებ...

უმთავრესი ბრალდება – „პატრიოტთა ალიანსი“ ოცნების სატელიტი პარტიაა და ბიძინა ივანიშვილის მიერ ფინანსდება...

რა უნდა ვთქვათ იმის გარდა, რომ ენას ძვალი არა აქვს. ერთი ნუთით წარმოვიდგინოთ, რომ ბრალდება საფუძვლიანია. რა გამოდის, „ქართული ოცნების“ (რომელიც პროდასავლურობაში ეჯიბრება ნაცებს) სატელიტი დადის

მოსკოვში, იბახის არა ნატოს“, არა „ლგბტ-ს“, „კი ეკლესიას“, კი ქართულ ეროვნულ ტრადიციებს და ა.შ. ანუ ყველაფერ იმას არა, რასაც ნეოლიბერალური დემოკრატია ქადაგებს, ამას ქოცნების სატელიტი პატრიოტები ახმოვანებენ? თუ მასეა, მაშინ გაუმარჯოს „ქართულ ოცნებას“ და მის სატელიტ „პატრიოტთა ალიანსს!“

ანდა, რას აფინანსებს ბიძინა ივანიშვილი, პატრიოტების მოსკოვურ ვოიჟებს რუსეთთან ნორმალური ურთიერთობების დასამყარებლად, რაც საქართველოს გადარჩენის ერთადერთი გზაა? თუ იმას, რომ დავით გარეჯი საქართველოა? ამ საშვილიშვილო აქციას? მაშინ გაუმარჯოს ბიძინა ივანიშვილსაც და მის სატელიტ ირმა ინაშვილსაც და დავით თარხან-მოურავს!

ერთი სიტყვით, როგორც მაღლიან ქიზიყში იტყოდნენ, ჭკუას წიხლი დააჭირეთო, მხოლოდ ამის თქმა შეიძლება ასეთ ბრალმდებლეთა მიმართებაში, რადგანაც ისინი მსგავსი ბრალდების გახმოვანებით, ნებსით თუ უნებლიეთ საკუთარ თავს ეწინააღმდეგებიან... ზემოთ ე.წ. ციხის კადრები ვახსენეთ,

რის შესახებაც ვისაც არ ეზარება ყველა საუბრობს, მაგრამ „პატრიოტთა“ მიმართებაში, როგორც წესი, თითქმის არაფერ. არადა, ეს თემა სწორედ ის არის, რასაც „საქმემან შენმან გამოგაჩინოს“ ჰქვია და მართლაც: რომ არა ციხის კადრები, მიშიკო დღესაც საქართველოს მეფე იქნებოდა, ოღონდ პრემიერ-მინისტრის კომუფლაჟით?!

ხოლო „ქართული ოცნება“ 15-20 პროცენტით შევიდოდა პარლამენტში, რაც უდავოდ წინ გადადგმული ნაბიჯი იქნებოდა, თუმცა არა იმდენად, რომ ციხეებში ხალხის წამება-გაუპატიურებელი მყისიერად შეწყვეტილიყო, როგორც ეს ციხის კადრების ჩვენებისთანავე მოხდა. ამ ვიდეოების მოპოვება მაშინდელი წინააღმდეგობის მოძრაობის (დღეს „პატრიოტთა ალიანსი“) ლიდერების დამსახურებაა.

„ქართული ოცნება“, ბიძინა ივანიშვილი რომ ზემოთ ხსენებული პროცენტების მეტზე არც კი ფიქრობდა, ეს იქიდანაც ჩანს, რომ იგი მოუმზადებელი აღმოჩნდა მოულოდნელად თავსადამტყდარი აბსოლუტური ძალაუფლების ასაღებად და ე.წ. კოპაბიტაციის თავს მოხ-

ვევის ერთ-ერთი მიზეზთაგანი, ეს მოულოდნელობაც იყო. მაგრამ ეს ყველაფერი, თუ ვინ, სად და როდის რა გააკეთა, ცალკე წერილის თემაა...

რა თქმა უნდა, პოლიტიკოსთა მიერ მრავალგზის მოტყუებულ, აბუჩად აგდებულ ქართველ ხალხს ლეგიტიმური უფლება აქვს, რომ არც „პატრიოტთა ალიანსის“ რიტორიკა ირწმუნოს, მაგრამ, სამწუხაროდ, ისეა ეს ქვეყანა მოწყობილი, რომ პოლიტიკოსთა გარეშე შეუძლებელია სახელმწიფოს არსებობა და რადგანაც ამ ქვეყნად ყველაფერი შედარებითია, მეც აქედან გამომდინარე ვაკეთებ არჩევანს – ქართულ პოლიტიკურ ველზე, მე, როგორც სულით და გულით ეროვნულ-ტრადიციონალისტ-კონსერვატორი, „პატრიოტთა ალიანსზე“ უკეთეს ძალას ვერ ვხედავ!

დავით მხიქვაძე



„ჭკვიანი“ კამერები მთელ საქართველოში

შინაბან საქმეთა სამინისტრომ საგზაო მოძრაობის უსაფრთხოების დაცვის და ავტოსაგზაო შემთხვევების პრევენციის მიზნით, სიჩქარის მზომი სექციური „ჭკვიანი“ კამერები გურიის, სამეგრელოსა და ზემო სვანეთის ტერიტორიაზე კიდევ 11 ადგილზე ამოქმედდა.

შსს-ის ინფორმაციით, ასევე, ბოლო პერიოდში, საავტომობილო სიჩქარის მზომი სექციური „ჭკვიანი“ კამერები მცხეთა-მთიანეთის რეგიონის ტერიტორიაზე კიდევ ექვს ადგილას ამოქმედდა, ფოთის მუნიციპალიტეტის ტერიტორიაზე – ოთხ ლოკაციაზე, სამეგრელოსა და ზემო სვანეთის რეგიონის ტერიტორიაზე – რვა, სამცხე-ჯავახეთის ტერიტორიაზე კი – ორ ლოკაციაზე.

სამინისტრო აცხადებს, რომ სიჩქარის სექციური კონტროლის სისტემით მთელი ქვეყნის მასშტაბით, უკვე 652 კმ სიგრძის საავტომობილო გზა გაკონტროლდება. ამ დროისთვის სრული დატვირთვით მუშაობს 3820 ვიდეოკამერა, რომელთაგანაც 1230 ნომრის ამომცნობია, ხოლო 2590 – ზოგადი ხედვის ვიდეოკამერა.

ამასთან, 2019 წლის ბოლომდე, უწყების მიერ საქართველოს ტერიტორიაზე სულ ამოქმედდება 5 000-მდე ვიდეოკამერა, მათ შორის 2 100 ე.წ. „ჭკვიანი“ ვიდეოკამერა, ხოლო სიჩქარის მზომი სექციური მონიტორინგებით გადაფარული იქნება საავტომობილო გზის 700 კმ-მდე მონაკვეთი.

ტენდერი ბაგა-ბალების საკვებით მომარაგებაზე

ტენდერის პირობების თანახმად, წინადადებების მიღება 14 აგვისტოს დაიწყება და 16 აგვისტოს დასრულდება. შესყიდვის სავარაუდო ღირებულება თბილისის მარჯვენა სანაპიროსთვის 17 002 058 ლარია, მარცხენა სანაპიროს შემთხვევაში კი, 43 265 221 ლარი.

პრეტენდენტს მოეთხოვება, ბაგა-ბალების საკვებით მომარაგება 2019 წლის 16 სექტემბრიდან 2020 წლის 31 დეკემბრის ჩათვლით განახორციელოს.

ტენდერის პირობებში აღნიშნულია, რომ საკვები პროდუქტის ხარისხი უნდა აკმაყოფილებდეს ქვეყანაში არსებულ სტანდარტებსა და „ტექნიკურ დავალებაში“ განვიხილ ტექნიკურ და ხარისხობრივ მაჩვენებლებს; სორცის პროდუქტები (საქონლის სორცი და ქათამი) უნდა იყოს არაგაყინული, ყოველ შეტანილ პროდუქტს უნდა ახლდეს ვეტერინარული მოწმობები (ფორმა №2). პროდუქციის უვნებლობა და ხარისხი უნდა აკმაყოფილებდეს საქართველოში მოქმედი კანონმდებლობით დადგენილ მოთხოვნებს და მოქმედ სტანდარტებს.

პრეტენდენტს 2016 წლის 1 იანვრიდან უნდა გააჩნდეს საკვები პროდუქტების მიწოდების არანაკლებ 10 000 000 ლარის ღირებულების გამოცდილება. უნდა ჰქონდეს საერთაშორისო ISO 9001:2008 ან ISO 9001:2015 ან ISO 22000 (სურსათის უვნებლობის მართვის სისტემის) მოქმედი სერტიფიკატი.

ახალი ტენდერის გამოცხადებამდე, შესყიდვებს სკოლამდელი აღზრდის დაწესებულებები თავად



ახორციელებდნენ. 27 მაისიდან კი მერიამ აღნიშნული სერვისის მიწოდებლად ახალი ტენდერის გამოცხადებამდე კომპანია „მზიური“ შეარჩია.

თხილის წარმოება სამი ქვეყნის პრიორიტეტად ითვლება

ბარემოს დაცვისა და სოფლის მეურნეობის მინისტრი ლევან დავითაშვილი თურქეთის რესპუბლიკაში იმყოფებოდა.

სოფლის მეურნეობის სამინისტროს ინფორმაციით, ვიზიტის ფარგლებში, სტრატეგიული თანამშრომლობის სამხსრივი დეკლარაცია გაფორმდა



თურქეთს, საქართველოსა და აზერბაიჯანს შორის. დეკლარაციის თანახმად, თხილის წარმოების მიმართულებით სამი ქვეყანა უფრო აქტიურად ითანამშრომლებს.

საქართველოს სოფლის მეურნეობის სამინისტრო აცხადებს, რომ თხილი საქართველოს, თურქეთისა და აზერბაიჯანისთვის მნიშვნელოვანი საექსპორტო აგრარული პროდუქტია. სამხსრივი თანამშრომლობის ფორმატის მიზანია წარმოებისა და ხარისხის ამაღლება, მოსავლიანობის გაზრდისათვის სამეცნიერო პოტენციალის მაქსიმალური გამოყენება, ტექნიკური და ტექნოლოგიური თანამშრომლობის უზრუნველყოფა.

მხარეებმა აღნიშნული მიმართულებით თანამშრომლობის პოზიციები შეაჯერეს, რომელიც დარგის განვითარებასა და წარმოების ზრდაზეა ორიენტირებული.

ფეხბურთი

უდავოდ, რომ ფულის შოვნას თავისებური ნიჭი სჭირდება, მაგრამ არანაკლებ უნარს მოითხოვს მისი ყაირათიანად ხარჯვა.

თბილისის „დინამოს“ მარიფათიანმა პრეზიდენტმა რომან ფიფიაძემ, რომ იტყვიან, ათიანში გააჩნდა, როცა ჩვენს საამაყო კლუბს თითოთ საჩვენებელი ინფრასტრუქტურა და ბაზა აკადემია გაუშანსა, მაგრამ რაც შეეხება თვით გუნდის სელექციას, ამ მხრივ, რბილად რომ ვთქვათ, მთელი რიგი კითხვის ნიშნები ჩნდება, რაც „თეთრ-ლურჯთა“ არაკეთილმოწყობას (სხვებზე) საქმიანობაში მშვენიერ საბაზს აძლევს. მაგალითად, ასეთს – დიდი ხნის ბაზაზე ძირითადად მხოლოდ ჩამონერვილ ლეგიონერებსა (უმეტესწილად – ესპანელებს) და თავისივე წარმომავლობის ახალგაზრდა ტალანტებს იწვევს (მერედა, რა არის ამაში ცუდი? – რად).

მოგეხსენებათ, ენას ძვალი არა აქვს და ყბადაღებული სიტყვის თავისუფლებითაც ბევრი ბოროტად სარგებლობს, მაგრამ, დაგვეთანხმებით, მათთვის სუსხიანი პასუხის გასაცემად საუკეთესო საშუალებად ტაბლო ითვლება.

და აი, მივადექით იმ ორმოს, სადაც ძალღმობის თავია დამარხული: თუ დინამოელთა ამჟამინდელი კონტინგენტის სათაშაშო კლასი საკმარისია ეროვნულ ლიგაში საბაირამოდ და, თქვენ წარმოიდგინეთ, ევროპულ მაჩანჩალებთან უპრობლემოდ გასამკლავებლად კი, მხოლოდ გულისტკივილი და სირცხვილი მოაქვს არა მარტო ელიტასთან, არამედ საშუალო დონის წვრილფეხობასთან უთანასწორო ბრძოლებსაც.



თავის თავიდან უარს

საილუსტრაციოდ საბედისწერო 8 აგვისტოს (რუსეთთან ხუთდღიანი ომობანას დაწყების თარიღს რომ თავი დავანებოთ, ამჯერად, „დინამოს“ გარდა, ჩვენი ქვეყნის ხელბურთელ გოგონათა ნაკრები და წამყვანი ჩოგბურთელი ნიკოლოზ ბასილაშვილიც დამარცხდნენ)

როტერდამის „დე კუიპზე“ კატასტროფულად განვითარებული მოვლენებიც კმარა, სადაც „ფეინოორდმა“ 38 წლის შემდეგ მსუყე რევანშით გვიპასუხა, ოღონდ – ევროპალიგაში.

არადა, იყო მთელი რიგი ფაქტორები, რომლებიც სტუმართა ქომაგებს ფუჭი, თუ უფრო ობიექტური ვიქნებით – ყოველგვარ საფუძველს მოკლებული ოპტიმიზმით ალავებდა: აქაოდა, ჰოლანდიურ გრანდს პრაქტიკა აკლია, რადგან იქაური ჩემპიონატი ახლახან

დაიწყო და სათანადო კონდიციები ჯერ არ აუყრევავსო; ან – მას მთელი რიგი ტრავმირებული ვარსკვლავები აკლია, ახლები კი ძველებთან შეთანამებულნი არ არიანო; კიდევ უფრო აბსურდულად გამოიყურებოდა ძალადმაცხოვნების მორიგი კლასიკური მაგალითი – ჩვენი მოძვე უკრაინელი მსაჯი ბოიკო არ გაგვწირავსო; და ასე შემდეგ.

რატომაც კანტიკუნტად თუ გაისმოდა თავმოყვარე ნიდერლანდელთაგან ვენდეტას აღმის დაულოკებელი სურვილი, რომლებსაც იმ დაუფინყარ 1981 წელს განვითხვის დღე(ები) მოვუწყვეთ.

ზოგ-ზოგიერთებმა შეიძლება გარკვეული მნიშვნელობა მატჩის დაწყების წინ გავრცელებული ინფორმაციით მიყენებულ ფსიქოლოგიურ დარტყმას მიანიჭონ – „გაბალასთან“ თბილისურ შეხვედრაში დინამოელთა გულშემატკივრების მიერ გამოტყული რასისტული შექახილების გამო უფამ 50 ათას ევროსთან ერთად „ფეინოორდთან“ 15 აგვისტოს თამაშზე ცარიელი ტრიბუნებით დაგვსაჯაო, – მაგრამ უმთავრესი ფაქტი ფაქტად რჩება – ჩვენ და ისინი სხვადასხვა წონით კატეგორიაში გამოვდივართ, საშემსრულებლო ოსტატობა კი ისეთი რამაა, გადამწყვეტ გავლენას რომ ახდენს შედეგზე.

ამიტომ მაღლიერნი უნდა ვიყოთ, მასპინძლებმა 4:0 რომ გვაკმარეს.

გიორგი შოთაძე

ხელბურთი

მედლებს უჩვენოდ გაითამაშებან

ხმალს თბილისის სპორტის სასახლეში მთავრდება 17-წლამდელ ხელბურთელ გოგონათა ევროპის ჩემპიონატი, რომელშიც 10 გუნდი მონაწილეობს.

ჯგუფური ეტაპის ბოლო ტურში საქართველოს ნაკრები შეჯიბრების ფავორიტ შვეიცარიასთან, რომელმაც ამას წინათ ბაქოში გამართული ევროპის ახალგაზრდობის ოლიმპიური ფესტივალის 8 უძლიერეს გუნდს შორის მეოთხე ადგილი დაიკავა, 13-ბურთიანი სხვაობით დამარცხდა.



ეს არც ყოფილა მოულოდნელი, რადგან ჩვენს გუნდს ორი ლიდერი აკლდა – ნენო ჯგერენაია და ლიზი ჩხაიძე. ჯგერენაია ტრავმის გამო სტარტზევე გამოეთიშა შეჯიბრებას, ხოლო ჩხაიძემ წინა თამაშში ნითვის ბარათი მიიღო და ჯგუფური ეტაპის ბოლო ორთაბრძოლა

გამოტოვა. ნაგების მიუხედავად, ჩვენებს სპეციალისტებსა და ქომაგებზე ცუდი შთაბეჭდილება ნამდვილად არ დაუტოვებიათ. განსაკუთრებით ორი 15-წლამდელი გოგონა გამოირჩა – სამტრედიელი თამარ ბურკაძე და ყვარლელი ანა სურამლიშვილი, რომლებმაც 5-5 ბურთი შეაგდეს. უიურიმ ქართველთაგან მატჩის საუკეთესო მოთამაშედ სწორედ გუნდის კაპიტანი ბურკაძე დაასახელა.

ევროპის ხელბურთის ფედერაციის აღმასკომის წევრმა ერუი ელიაშმა ჩვენთან საუბარში ხაზი გაუსვა ჩემპიონატის შესანიშნავ ორგანიზაციას – საქართველოს ხელბურთის ფედერაციამ და მისმა ხელმძღვანელმა ზურაბ კაკაბაძემ ყველაფერი გააკეთეს საიმისოდ, რომ სტუმრებმა კომფორტულად იგრძნონ თავი. მანვე ისიც აღნიშნა, რომ ტურნირში სხვებისგან ოთხი გუნდი – შვეიცარია, სერბეთი, უკრაინა და ლიეტუვა გამოირჩევა, თუმცა, შესაძლებელი იყო, ამ ოთხეულში საქართველო მოხვედრილიყო, რომ არა პირველ ტურში ლიეტუვასთან დასანანი მარცხი...

შაბათ-კვირას სპორტის სასახლეში ჩემპიონატის ნახევარფინალური და ფინალური პაექრობები გაიმართება.


ჭილაობა

პირველი ფინალური დღის ნაღავლი

თბილისის ოლიმპიურ სასახლეში გრძელდება გივი კარტოზიასა და ვასტანგ ბალაძის მემორიალი თავისუფალსა და ბერძნულ-რომაულ ჭიდაობებში, სადაც სასპარეზოდ თავი მოიყარეს 15 ქვეყნის (საქართველო, აზერბაიჯანი, სომხეთი, ირანი, საფრანგეთი, ინდოეთი, სერბეთი, უკრაინა, სლოვაკეთი, შვედეთი, აშშ, ყაზახეთი, ჩრდ. მაკედონია, უზბეკეთი და ყირგიზეთი) წარმომადგენლებმა.

მასპინძელთაგან უფრო წარმატებით თავისუფალი სტილის ფალავნები გამოდიან, რადგან შეჯიბრებაში ლიდერთა უმეტესობა მონაწილეობს. ეს მათთვის მსოფლიოს ჩემპიონატისთვის შესარჩევი ტურნირია, „კლასიკოსებს“ კი წლის მთავარ პირველობაზე წამსვლელთა ვინაობა, ფაქტობრივად, გარკვეული აქვთ.

პირველ ფინალურ დღეს „თავისუფალში“ ოთხი ჩვენებში იბრძოდა ოქროს მედლისთვის. მათგან ორი ირანელს, ორიც აზერბაიჯანელს შეხვდა. 61 კილოგრამ წონით კატეგორიაში ევროპისა და მსოფლიოს ვიცე-ჩემპიონმა ბექა ლომთაძემ გადამწყვეტ პაექრობაში აზერბა-



იჯანელთა მსოფლიოს მესამე პრიზიორ აშქმდნაბი გვარზატილოვს 7:4 აჯობა და კვარცხლბეკის უმაღლეს საფეხურზე ავიდა. 79 კილოში მსგავს წარმატებას მიაღწია ზურაბ ერბონონაშვილმა, რომელმაც ფინალში ირანელ შაჰმან თეიმურაზის 4:2 მოუგო. ევროპის მესამე პრიზიორები – კოტე ხაბალაშვილი (70) და ირაკლი მნითური (92), შესაბამისად, ირანელ ემამიროგაი იონესსა და აზერბაიჯანელ შამილ ზუბაიროვთან დამარცხდნენ. ბრინჯაოს მედლები მიხეილ ბერძნიშვილმა (61 კგ), მირზა სხულუხიამ (70 კგ), ლევან ქელუხსაშვილმა (70 კგ.), ტარიელ გაფრინდაშვილმა (79 კგ) და ბექა ნადაშვილმა (92 კგ) მოიპოვეს.

დავძენთ, რომ კლასიკოსთა 72 კილოს ქართულ ფინალში გიორგი ხუჭუამ მურად მიქელაძეს სძლია.

ლემსო ცინცაძე

ჩოგბურთი

ქორტი თავანულება დატოვა

ნიკოლოზ ბასილაშვილი მონრეალის „მასტერსს“ მერვედფინალიდან გამოეთიშა, მაგრამ მის გასაკრიტიკებლად ენა არ მოგიბრუნდება კაცს.

როგორც მოგეხსენებათ, საქართველოს პირველმა და მსოფლიოს მე-17 ჩოგანმა საერთაშორისო რეიტინგის მე-5 ნომერ ალექსანდრ ზვერეცს ახლახან მისივე მშობლიური შამპურგის კორტზე სძლია და ამჯერადაც ახლოს იყო მიზანთან, მაგრამ გერმანელმა თანაბარ ბრძოლაში მაინც მოახერხა რევანშის აღება – 7:5, 5:7, 7:6. შეხვედრა ორ საათსა და 48 წუთს გაგრძელდა.

ჩვენი თანამემამულე მხოლოდ ამ დრამატული დუელის პირველ პარტიში გამოიყურებოდა მეტოქესთან შედარებით რანგის შესაბამისად, როცა პირველ მონოდებაზე 34-დან მხოლოდ 18

ქულა აიღო, ხოლო მეორე მონოდებაზე – 20-დან – 9.

აქედან მოყოლებული, მან მდგომარეობა გამოასწორა და ბოლომდე ღირსეულად უმკლავდებოდა ფავორიტს. კერძოდ, ჯერ მეორე სეტის მეცხრე გეიმში 0:40-დან გადაარჩინა საკუთარი მონოდება, მეორე კი ჯამში ოთხი ბრეიკ-პოინტი მოიგერია. რაც შეეხება გადამწყვეტ პარტიას, ბასილაშვილმა მერვე გეიმში მშორალი ანგარიშით შეასრულა უკუბრეიკი და კიდევ ერთხელ გაათანაბრა ანგარიში – 4:4, მაგრამ...

დავძენთ, რომ იმავე ნახევარ დღეს ნიკა გერმანელ იან-ლიონარდ შტრუფთან ერთად წყვილთა ტურნირსაც გამოეთიშა კაილ ედმუნდ-ტეილორ ფრიტცის ინგლისურ-ამერიკულ დუეტთან მარცხის გამო – 3:6, 4:6.

ვიტალი ჯაფარიძე

სსოვნა

„კალიფორნიის დაჩნეული ლამაზი სული“

მარინა ჯიქია



გარდაიცვალა ლიტერატურის დოქტორი, საქართველოს თეატრის მოღვაწეთა კავშირისა და საქართველოს ტექნიკური უნივერსიტეტის ლიტერატურული თეატრის „ოქროს საწმისის“ სამხატვრო ხელმძღვანელი, საქართველოს ტექნიკური უნივერსიტეტის ქალთა ასოციაციის ერთ-ერთი დამფუძნებელი და წევრი მარინა ჯიქია, რომელიც 50 წელზე მეტი ენეოდა პედაგოგიურ და სამეცნიერო მოღვაწეობას ტექნიკური უნივერსიტეტის ენების კათედრაზე.

მარინა ჯიქიას დასახასიათებლად გვსურს, გამოვიყენოთ ამონარიდი წლების წინ ჟურნალ „ხელოვნებაში“ გამოქვეყნებული, ცნობილი ქართველი მსახიობის ჯემალ მონიაგას მისადმი მიძღვნილი ესედიან – „ლა-მაზი სული პალიმფსესტზე დაჩნეული“: „დადის ქალაქში საოკრად მომხიბლავი ქალბატონი. მისი დახვეწილი კილო, ხმის მომხიბლავი ტემბრი, არისტოკრატიული ინტონაცია და შესტი მიგვხვედრებთ, რომ თქვენს წინაშე ნამდვილად გამორჩეული და არაორდინარული პიროვნებაა.

მისი ყოველი ფრაზა გაჟღერებულია კოლხური სასიმღერო ინტონაციით და თუ საუბარი ლიტერატურას ეხება, აქ მის შესაძლებლობებს სამანი არ გააჩნია, მისი მომავადობები აურა გაბრუნებთ და ინუსხებით ქალბატონის განსწავლულობით. ამასიც არის, მოკრძალებულიც და გამორჩეულიც, ამაღლებული სულით, მასში არის რაღაც გარდასული საუკუნეებიდან: იდუმალი, არაამქვეყნიური.

მარინა ჯიქიას პედაგოგიური, მხატვრული ლიტერატურული ხედევა გნუსხავთ, იგი მუსიკით ცოცხლობს, მხატვრობით სუნთქავს, პოეზიით სულდგმულობს და, საერთოდ, მშვენიერებით არსებობს. მასში თავმოყრილია ქართველი ქალის ყოველგვარი სიკეთე, სიდარბაისლე და სინატიფე სულისა“.

ძნელია, რაიმე დაუმატო აქ მოყვანილ მარინა ჯიქიას ჯემალ მონიაგასეულ დახასიათებას, გარდა იმისა, რომ ის იყო უმშვენიერესი და თავისი ელევანტურობით გამორჩეული. საქართველოს ტექნიკური უნივერსიტეტის ხელმძღვანელობისა და ქალთა ასოციაციის ხელშეწყობითა და დახმარებით მარინა ჯიქიას ჩატარებული აქვს 40-ზე მეტი მაღალმხატვრული ლიტერატურული საღამო-სპექტაკლი. მათ შორის: „შოთა რუსთაველი“, „თამარიანი“, „ილია ჭავჭავაძე“, „კონსტანტინე გამსახურდია“, „ირაკლი აბაშიძე“, „ანაობა“, „ელენე ახვლედიანი“, „სერგეი ესენინი“, „ანდრეი ბელი“ და ა.შ.

ლიტერატურული სპექტაკლები ტარდებოდა როგორც თბილისში, ასევე საქართველოს სხვადასხვა ქალაქში – ბათუმში, ქუთაისში, ახალციხეში, მესტიაში, ყაზბეგში, ხოლო მოსკოვში დიდი წარმატებით ჩატარდა ლიტერატურული სპექტაკლები „ელენე ახვლედიანი“ და „ანდრეი ბელი“.

საქართველოს ტექნიკური უნივერსიტეტი

მარინა ჯიქია იყო ყველა ლიტერატურული სპექტაკლის სცენარის ავტორი, დამდგმელი და გამფორმებელი.

ლიტერატურული სპექტაკლები შეადგენდნენ მე-20 საუკუნის ბოლო მეოთხედში საქართველოში მიმდინარე ეროვნული მოძრაობის ერთ-ერთ უმნიშვნელოვანეს შემადგენელ ნაწილს. მათში ელავდა სიყვარული და პატივისცემა ქართული სიტყვისადმი, აზრისადმი, ისტორიისადმი.

ხალხით გაჭედილი დარბაზების სცენიდან ისმოდა დიდი ქართველი კლასიკოსების სულის შემქმნელი სიტყვა-მონოდებები: „ავიყოლია სიყრმიდანვე ჩვენ ქართველის ბედმა და დაე, გვძრახონ, ჩვენ მის ძებნით დავლიოთ დღენი“; „შემომფიცეთ, რომ ყველანი უკანასკნელ სუნთქვამდის დიდ საქართველოს შესაქმნელად იბრძოლებთ“; „დავბადებულვარ, რომ ვიყო მონა და საქართველოს მედგას უღელი“ და ა.შ.

განსაკუთრებით უნდა აღინიშნოს ლიტერატურული საღამოების მოსაწვევე ბარათები და აფიშები. ისინი წარმოადგენდნენ ხელოვნების ნიმუშებს, მათში ჩაღვრილი იყო ქართული სული, რომელსაც მათ ანიჭებდა მარინა ჯიქია თავისი მაღალი გემოვნებით. ეს აფიშები დღემდე ბევრი ოჯახისა და დაწესებულების კედლებს ამშვენებს.

მარინა ჯიქიასთვის უპირველესად მთავარი იყო ყველაფერი ქართული, მაგრამ მისი პატრიოტული სულისკვეთება არავის უკვირდა, რადგანაც საზოგადოებამ იცოდა, რომ ის იყო შვილი გამორჩეული ენერგეტიკოსისა და საზოგადო მოღვაწის ვლადიმერ ჯიქიასი, რომელიც თავისი მაღალი ქართველობის გამო შეენრა გასული საუკუნის 30-იანი წლების რეპრესიებს.

განსაკუთრებით აღსანიშნავია მარინა ჯიქიას პედაგოგიური პროფესიონალიზმი, საგანთან ერთად, ის სტუდენტებს საზოგადოებაში ქცევის ნორმებს ასწავლიდა, ზრდიდა და ამაღლებდა მათ სულიერად. სტუდენტების ყველა ჯგუფს, რომელსაც ასწავლიდა, სისტემატურად პატივებდა საქართველოს ისტორიისა და ხელოვნების მუზეუმებში, მათ საცავეებში, გამორჩეული ქართველი მოღვაწეების სახლ-მუზეუმებში. მარინა ჯიქია ყველა თაობის სტუდენტებში გასაოცარი სიყვარულითა და პატივისცემით სარგებლობდა. ბევრი მათგანი სიცოცხლის ბოლომდე ინარჩუნებდა მასთან ურთიერთობასა და მეგობრობას.

მარინა ჯიქია სიცოცხლის უკანასკნელ წუთამდე ცხოვრობდა მშვენიერების სამყაროში, ენთო და ინვოდა, უნათებდა და უღამაზებდა ცხოვრებას გარშემომყოფთ.

ღმერთმა ნათელში ამყოფოს მისი მაღალი სული!

საქართველოს პარლამენტართა პალატა ღრმა მწუხარებით იუნყება, რომ გარდაიცვალა საქართველოს 1999-2004 წ. მონვევის პარლამენტის წევრი

ლაურ მანაბაძე

და თანაუგრძობს განსვენებულის ოჯახს. პალატის სახელით კობა ამირხანაშვილი

თემურ ჯორბენაძე ღრმა მწუხარებით იუნყება, რომ გარდაიცვალა გამოჩენილი ქართველი მეცნიერი, აკადემიკოსი

ლაურ მანაბაძე

და სამძიმარს უცხადებს განსვენებულის ოჯახს, მეგობრებსა და კოლეგებს.

ქართული ეკლესიის წმინდანი - ევსტათი მსხეთელი

11 აპრილს საქართველოს წმიდა მართლმადიდებელი ავტოკეფალური სამოციქულო ეკლესია დღესასწაულობს ევსტათის სპარსელი მონაწილის ხსენებას.



ევსტათი მცხეთაში 544 წელს ჩამოვიდა და მოინათლა სამოელ ქართლის კათალიკოსის მიერ. ის გაქრისტიანებამდე გაეცნო ქრისტიანული სარწმუნოების შინაარსს და გადაწვიტა, ქრისტიანი გამხდარიყო... მან ქრისტიანი ცოლი შეირთო.

მამაპაპისეულ სარწმუნოებას უღალატა...

აღსანიშნავია ის, რომ მარზპანის ყოველგვარი ცდა, ევსტათი ისევ მაზდეანობაზე გადმოებრებინა, უნაყოფო გამოდგა. მისი ბრძანებით ევსტათის თავი მოჰკვეთეს დაახლოებით 550 წელს.

ევსტათის მონაწილობა მისმა თანამედროვე უცნობმა საეკლესიო მწერალმა მიუძღვნა ჰაგიოგრაფიული თხზულება „მარტვილობა და მოთმინება წმიდისა ევსტათი მცხეთელისაი“, რომელშიც კარგად არის აღწერილი მეექვსე საუკუნის ქართლის სოციალურ-პოლიტიკური და კულტურული ცხოვრება.

გიული ლიპარტიანი

დიდი მსახიობის პატივება




ძალბა თბილისის მუნიციპალიტეტის საკრებულოს განკარგულებით, თბილისში, ისნის რაიონში, წერნაქის ქუჩის მონაკვეთს ცნობილი მსახიობის ლეილა აბაშიძის სახელი მიენიჭა.

საქართველოდან წელს 41 უცხოელი გააკევეს

საბარტემელოს შინაგან საქმეთა სამინისტროს მონაცემებით, მიმდინარე წლის იანვარ-ივნისში საქართველოდან უცხო ქვეყნის 41 მოქალაქე გააძევეს. ინფორმაცია უწყების ოფიციალურ ვებგვერდზეა ხელმისაწვდომი.

საქართველოდან სულ 18 ქვეყნის მოქალაქე გააძევეს. ქვეყნების მიხედვით სია ასეთია: აზერბაიჯანი – რვა მოქალაქე; ირანი – ექვსი; ეგვიპტე – ხუთი; თურქეთი – ოთხი; ანგოლა, ინდოეთი, ერაყი და ნიგერია – ორ-ორი; კანადა, კენია, უზბეკეთი, უკრაინა, ბანგლადეში, კონგო, მაროკო, ნეპალი, პაკისტანი და ჰაიტი – თითო. 2018 წელს ქვეყნიდან 98 უცხოელი გააძევეს, 2017 წელს კი – 77. შსს-ს მონაცემებით, ყველაზე ხშირად საქართველოდან 26-40 წლის მამაკაცებს აძევენ.



აეროპორტში 60 კგ ოქრო იპოვეს

კამერუნის, დუალას საერთაშორისო აეროპორტში, კონტრაბანდული 60 კგ ოქრო აღმოაჩინეს, რომლის ღირებულებაც 2.8 მლნ დოლარია. უცხოური მედიის ინფორმაციით, ოქრო პლედში იყო ჩამალული, რომელიც ავიაკომპანია Ethiopian Airlines-ის ერთ-ერთ მგზავრს ეკუთვნოდა.

კამერუნის სამართალდამცავი ორგანოების ინფორმაციით, ოქრო ჩინეთში ან დუბაიში გასაგზავნად იყო გამზადებული.

აგასთუგანი უნდა გახდეს ერთ-ერთი საუკეთესო სანტრი მსოფლიოში

– ამის შესახებ პარტია „ქართული ოცნება-დემოკრატიული საქართველოს“ თავმჯდომარე ბიძინა ივანიშვილმა აბასთუმანში განაცხადა.

ბიძინა ივანიშვილი აბასთუმანში წმინდა ალექსანდრე ნეველის სახელობის ტაძარში წირვას დაესწრო და მრევლს წმინდა პანტელეიმონის ხსენების დღე მიულოცა.

დიდმოწამე პანტელეიმონის ხსენების დღესთან დაკავშირებით წირვა ახალციხისა და ტაო-კლარჯეთის მიტროპოლიტმა თეოდორემ აღავლინა და მრევლს სიტყვით მიმართა.

„ბატონი ბიძინას დამსახურებაა ეს და მისი პირადი შეწევნა,

რომ აწყურის ტაძარი შენდება. თქვენ იცით, რამხელა მაღლია აწყურის ტაძარში. ეს არის პირველი კათედრა საქართველოში. ეს არის ანდრია პირველწოდებულის მიერ დაარსებული კათედრალი. ბატონი ბიძინას დახმარებით კეთდება ბიეთის სამონასტრო კომპლექსი, კეთდება აგარების სამონასტრო კომპლექსი, თისელის სამონასტრო კომპლექსი.

ძალიან ბევრი რამ კეთდება მარტო ჩვენს ეპარქიაში, იქეთ აღარ ჩამოვთვლი. აბასთუმანში კეთდება კიდევ ძალიან ბევრი რამ. დაიწყო დედათა მონასტრის დამწვარი სახლისა და ძალიან ბევრი შენობის რესტავრაცია. მე



დარწმუნებული ვარ, რომ აბასთუმანი გადაიქცევა მსოფლიოში ერთ-ერთ მნიშვნელოვან ცენტრად და მნიშვნელოვან კურორტად და თითოეული ჩვენგანის-

თვის, არა მარტო აქ მცხოვრებისთვის, არამედ მთელი საქართველოსთვის ეს იქნება ძალიან განსაკუთრებული ადგილი“, – განაცხადა მეუფე თეოდორემ.

12 აპრილს დიდგორის დღესასწაული აღინიშნება

თეთრიწყაროს მუნიციპალიტეტში დიდგორის ველზე 12 აგვისტოს, დიდგორის სახალხო დღესასწაული აღინიშნება. ღონისძიების ორგანიზატორების ინფორმაციით, დიდგორის მემორიალის ტერიტორია დამთავალიერების წინაშე წარდგება როგორც მუზეუმი ღია ცის ქვეშ. სპეციალურ სივრცეებში მოეწყობა ქართული რენესის და ხელოვნების ნიმუშების გამოფენა-გაყიდვა, წარმოჩინდება ტრადიციული სამოსი, ორნამენტები, კულინარია.



დღესასწაულის ფორმირება მოხდება დროსთან მიმართებაში. სცენაზე გაცოცხლდება აღმაშენებლის ეპოქა და თანამედროვე ეპოქასთან მისი შერწყმა მოხდება როგორც შემორჩენილი ტრადიციების გათამაშებით, ასევე უკვე მიყვნილი კულტურული მემკვიდრეობის აღდგენით. გაიმართება საბრძოლო ხელოვნების ნიმუშის წარმოდგენა, ასევე, საჭი-დაო საჩვენებელი შეჯიბრებები: დოლი, ჭიდაობა, მკლავჭიდი.

საკონცერტო ღონისძიებაში მონაწილეობას მიიღებენ: ქართული ესტრადის ცნობილი მომღერლები, ასევე წარმოდგენილი იქნებიან როგორც ადგილობრივი, ასევე საქართველოს სხვადასხვა კუთხის სახელმწიფო და სახალხო ფოლკლორული ანსამბლები. დიდგორის ბრძოლას ქართველთა მრავალსაუკუნოვანი ისტორიაში, გამორჩეული ადგილი უკავია. მეფე დავით აღმაშენებლის გონივრული სამხედრო სტრატეგიის წყალობით, დიდგორი დამოუკიდებლობისათვის და თავისუფლებისათვის ბრძოლის, ერთიანობის და ქვეყნისათვის თავდადების სიმბოლოდ იქცა. 1121 წელს დიდგორის ბრძოლის გამარჯვებამ დასაბამი მისცა ქვეყნის საბოლოო განთავისუფლებას-გაერთიანებას და საქართველომ საბოლოოდ დაიმკვიდრა რეგიონის უძლიერესი სახელმწიფოს სახელი.

მოგვართავთ გაზეთის მზრუნველთა საბჭოს სახელით

განათავსეთ რეკლამა ყველაზე საჭირო და სანდო გაზეთში და ამით ხელი შეუწყვეთ 100 წლის ყოველდღიური გამოცემის აღორძინებას.

გვჯერა, რედაქციის მიმართვას გამოეხმაურებიან ჩვენი ბიზნესმენ-ქველმოქმედნიც და გარკვეულ ფინანსურ დახმარებას გაუწევენ გაზეთს.

ჩვენი ანგარიში: №GE19TB7601536020100009.

(შპს „ახალი საუკუნე“ – გაზეთ „საქართველოს რესპუბლიკის“ გამომცემელი).

ეკლესიაში სასრილო აბრაქსიონი მოაწყვს

დიდ ბრიტანეთში, ნორვიჩის ეკლესიაში გასართობი სასრილო აბრაქსიონი მოაწყვს. სასრილო მოედანი 16,7 მეტრის სიმაღლის კონსტრუქციას, რომლის ასაშენებლად 4 ადამიანი 2 დღე მუშაობდა. ნორვიჩის ეკლესიის მღვდელმთავრის განცხადებით, „ნაგებობა – არაფერს შეუარაცყოფს“.

ეკლესიის წარმომადგენლები აცხადებენ, რომ 16-მეტრიანი სასრილო ნაგებობა ნორვიჩის სტუმრებს განსხვავებული თვალთ დაანახებს შინობის სილამაზეს და დააოქრობს მათ ცხოვრების არსზე. აბრაქსიონის დახმარებით ადამიანებს შესაძლებლობა აქვთ ახლოდან იხილონ ნაგებობის სასურავზე არსებული მინიატიურული ქანდაკებები. დღემდე მიიჩნევა, რომ ამ ტაძარში გოთიკური მინიატიურების ყველაზე დიდი რაოდენობაა. ნორვიჩის ეკლესიაში სასრილო მოედანი 18 აგვისტომდე მიიღებს ვიზიტორებს. ნორვიჩის ეკლესიის მშენებლობა მე-11 საუკუნეში დაიწყო. ეკლესია დიდ ბრიტანეთში სიმაღლით მეორე ნაგებობაა.



სიკვლი-სადმი ბრძოლა, პატივი...

რომში „ესპანურ კიბეზე“ დაჯდომა, ჭამა და დაღვევა აიკრძალა. შეზღუდვის დარღვევის შემთხვევაში ჯარიმა 400 ევროა. მსგავსი კანონი მოქმედებს რომის სხვა ღირსშესანიშნაობებზე, მაგალითად, ტრევის ფანტანზე.

„ესპანური კიბეები“ არქიტექტორმა, ფრანჩესკო დე სანქტისომ 1723-დან 1726 წლამდე დროის პერიოდში ააგო. კიბეები განსაკუთრებით პოპულარული ფილმ „რომაული არდადეგების“ ეკრანზე გამოჩენის შემდეგ გახდა.

აეროპორტ „სტამბოლში“ სამი რობოტი დაასაქმეს

აეროპორტ „სტამბოლში“ სამი რობოტი დაასაქმეს. ამ დროისათვის, სტამბოლის ახალ აეროპორტში 2 რობოტი სატესტო რეჟიმში მუშაობს. ისინი კონსულტაციას გაუწევენ მგზავრებს და შეძლებისდაგვარად დაეხმარებიან. რობოტები ამ დროისათვის მხოლოდ ორ – თურქულ და ინგლისურ ენაზე საუბრობენ.

აღსანიშნავია ისიც, რომ რობოტები მთლიანად თურქეთშია წარმოებული. რობოტები სრული დატვირთვით აგვისტოს ბოლოდან ამოქმედდებიან.



უსხოვრი ვალუტის კურსი:

აშშ დოლარი - 2.9488; ევრო - 3.3038;
 ბრიტანული გირანა სტერლინგი - 3.5840;
 100 რუბლი - 4.5182; თურქული ლირა - 0.5349;
 აზერბაიჯანული მანათი - 1.7363;
 1000 სომხური დრამი - 6.1891.

აქილი 10 აპრილსთვის

აღმოსავლეთი საქართველო:				
ბარსი	ღამე	+17,	ღვ	+34
მთიანი რაიონები	ღამე	+11,	ღვ	+31
დასავლეთი საქართველო:				
ბარსი	ღამე	+18,	ღვ	+30
მთიანი რაიონები	ღამე	+13,	ღვ	+29
თბილისი:	ღამე	+20,	ღვ	+33

საქართველოს რესპუბლიკა
SAKARTVELOS REPUBLIKA

ბ. ჩიქობავას (ყოფილი საბჭოს) ქუჩა №42/5
 ტელ: 296-72-86

მთავარი რედაქტორი
სვანტაძე ძოგუღია
 599 36-00-35

პასუხისმგებელი რედაქტორები:
გურამ გომიაშვილი
 599 53-76-16;
ალექო ასლანიშვილი
 599 56-81-86;

პასუხისმგებელი მდივანი
მამუკა ვაშაქიძე
 514 33-33-24

გამომცემელი:
 შპს „ახალი საუკუნე – გაზეთ „საქართველოს რესპუბლიკის“ გამომცემელი“
 599 53-76-16; 599 36-00-35
 შპს „თანამდგომარეობა“-ს გაზეთ „საქართველოს რესპუბლიკის“ გამომცემელი“
 ტ: 599 79-76-79

იბეჭდება გამომცემლობა **„კოლორ პრესი“**
 რკინიგზის ჩიხი №20

uac(უაკ)070.4(479.22) ს-323

ISSN 2233-3851

9 772233 385001

ავტორთა საზურაღდეოდ!

რედაქციის მიერ შუამავთავი მასალები დაიბეჭდება ავტორთა ხარჯით.

ავტორთა მოსაზრებები, შესაქმნა, მუდამ არ ემთხვეოდეს რედაქციის პოზიციას. ფაქტების სიზუსტეზე პასუხს აბეზან ავტორები.

„საქართველოს რესპუბლიკა“

შენი გაზეთია, აუსილვლად გამოიწერე, რასაც აქ წაიკითხავ, სხვაგან ვერ ნახავ!